



ЗООНОЗЫН ӨВЧИН СУДЛАЛЫН ҮНДЭСНИЙ ТӨВИЙН ЕРӨНХИЙ ЗАХИРЛЫН ТУШААЛ

2021 оны 8 сарын 25 өдөр

Дугаар A/51

Улаанбаатар хот

“Хүндэт тэмдэг” олгох, “Хүндэт дэвтэр”-т нэр
бичиж алдаршуулах журмын батлах тухай

Монгол улсын Төрийн албаны тухай хуулийн 51.1.4 дэх заалт, Засгийн газрын 2019 оны 05 дугаар тогтоолын нэгдүгээр хавсралт, Төвийн хөдөлмөрийн дотоод журмын 8 дугаар зүйлийн 8.1.3, 8.1.4, 8.8 дугаар заалтуудыг тус тус үндэслэн ТУШААХ нь:

1. Монгол улсад Зоонозын салбарыг хөгжүүлэх, хүн амын эрүүл мэндийг сахин хамгаалах үйлст онцгой амжилт гаргасан салбарын ажилтанд “Хүндэт тэмдэг” олгох, “Хүндэт дэвтэр” бичиж алдаршуулах журмыг нэгдүгээр хавсралтаар, “Хүндэт тэмдэг”-ээр шагнуулахаар өргөн мэдүүлсэн ажилтны анкет, тодорхойлолтын загварыг хоёрдугаар хавсралтаар тус тус баталсугай.
2. Шагналын үнэ цэнэ, нэр хүндийг өндөрт өргөх, нэр дэвшигчийг үнэн зөв шударга үнэлж дүгнэх, журмыг хэрэгжүүлэх асуудлыг Удирдлагын зөвлөлийн хуралд тухай бүр хэлэлцүүлэн шийдвэрлүүлж ажиллахыг Захиргааны албаны дарга /Ц. Энхбаяр/-д даалгасугай.
3. Удирдлагын зөвлөлийн хурлын шийдвэрийг үндэслэн дагалдах мөнгөн урамшууллыг цалингийн нэмэгдэл зардлаас тооцож олгохыг Ахлах нягтлан бодогч /З.Ууганцэцэг/-д зөвшөөрсүгэй.
4. Энэхүү тушаалын хэрэгжилтэд хяналт тавьж ажиллахыг Дэд захирал /Б.Амгаланбаяр/-д үүрэг болгосугай.

ЕРӨНХИЙ ЗАХИРАЛ

Н.ЦОГБАДРАХ



Зоонозын өвчин судлалын үндэсний төвийн ерөнхий
захирлын 2021 оны 8 дугаар сарын 25-ны
өдрийн 151 дугаар тушаалын нэгдүгээр хавсралт

TT35130-0092005

Нэг. Нийтлэг үндэслэл

- Монгол улсад Зоонозын салбарыг хөгжүүлэх, хүн амын эрүүл мэндийг сахин хамгаалах үйлст онцгой амжилт гаргасан Зоонозын өвчин судлалын үндэсний төв “цаашид ЗӨСҮТ гэх” болон харьяа Зоонозын өвчин судлалын төвүүдийн “цаашид ЗӨСТ гэх” ажилтнууд, болон бусад хамтран ажиллагч байгууллагуудын төлөөллийг шагнаж урамшуулах “Хүндэт тэмдэг” олгох “Хүндэт дэвтэрт” нэрийг бичиж алдаршуулахтай холбогдох асуудлыг энэхүү журмаар зохицуулна.

Хоёр. Шагналын төрөл

- Зоонозын өвчин судлалын үндэсний төвийн “Хүндэт тэмдэг”, үнэмлэх
- Зоонозын өвчин судлалын үндэсний төвийн “Хүндэт дэвтэрт нэр бичиж алдаршуулах” гэрчилгээ олгох
- Хүндэт тэмдгийн загвар нь ЗӨСҮТ-ийн Удирдлагын зөвлөлийн 2021 оны 6 сарын 7-ны өдрийн хурлаас батлагдсан загвар хүчин төгөлдөр байна.

Гурав. Дагалдах мөнгөн шагнал

- Хүндэт тэмдгээр шагнахад 100,000 төгрөг байна.
- Хүндэт дэвтэрт нэр бичин алдаршуулахад 200,000 төгрөг
- Дагалдах мөнгөн шагналыг шагналд тодорхойлсон байгууллага хариуцна.

Дөрөв. Шагнал олгох ерөнхий нөхцөл

- Зоонозын өвчин судлалын үндэсний төвийн “Хүндэт тэмдэг”-ээр Салбарыг хөгжүүлэхэд идэвх зүтгэл гарган мэргэжлээрээ 10-аас доошгүй жил үр бүтээлтэй ажиллаж, амжилт бүтээл нь хамт олон, мэргэжлийн хүмүүст үнэлэгдсэн, мэргэжлийн туршлагатай, өндөр чадвартай ажилтныг шигнана.
- Хүндэт тэмдэг нь Зоонозын өвчин судлалын билэг тэмдэг бүхий логотой, алтлаг шар өнгөтэй байна. Хүндэт тэмдгийн үнэмлэх нь овогтой танаа, “Зоонозын өвчин судлалын салбарыг хөгжүүлэх үйлст оруулсан хувь нэмрийг тань үнэлж Зоонозын өвчин судлалын үндэсний төвийн Хүндэт тэмдгээр шагнав” гэсэн талархлын уг, ЗӨСҮТ-ийн ерөнхий захирлын гарын үсэг зурах зйтай хэвлэсэн байна. “дугаар, огноо, Улаанбаатар хот” гэсэн үгийг хараар, бусад үгийг алтан бронзоор хэвлэнэ.
- Зоонозын өвчин судлалын үндэсний төвийн “Хүндэт дэвтэр”-т Монгол Улсад Зоонозын салбарыг хөгжүүлэн бэхжүүлэхэд үнэтэй хувь нэмэр оруулж,

мэргэжлээрээ 30-аас доошгүй жил ажилласан, Гавъяат цолоор шагнуулсан, боловсролын болон шинжлэх ухааны доктор, тарваган тахал, боом, галзуугийн хүний өвчлөлийн дэгдэлтийн үед ажилласан онцлон тэмдэглэхүйц ажлын амжилт гаргасан шилдэг тэргүүний ажилтанг алдаршуулан бичнэ.

- 4.2.1 Хүндэт дэвтэр нь Монгол Улсад Зоонозын салбар үүсч хөгжсөн түүхэн замналыг товч дурьдсан оршил хэсэг, эрүүл мэндийн болон зоонозын байгууллагыг хөгжүүлэн бэхжүүлэхэд тодорхой хувь нэмэр оруулсан шилдэг тэргүүний ажилтны зураг, доод хэсэгт нь хөдөлмөр бүтээлийн амжилтаас дурдсан товч тодорхойлолт, нэр бичигдэж буй ажилтны сэтгэгдэл бичигдсэн гоёмсог хавтастай байна. “Хүндэт дэвтэрт бичигдсэн тухай гэрчилгээ”-г дагалдуулж олгоно.
- 4.2.2 Хүндэт дэвтэрт бичигдсэн тухай дурсгалын гэрчилгээ нь ЗӨСҮТ-ийн лого, дугаар,овогтой.....таныг “Зоонозын өвчин судлалын салбарыг хөгжүүлэх үйлст оруулсан хувь нэмрийг тань өндөрөөр үнэлж, ЗӨСҮТ-ийн Хүндэт дэвтэрт алдаршуулав. ЗӨСҮТ-ийн Ерөнхий захирлын гарын үсэг, огноо, Улаанбаатар хот” гэсэн бичвэртэй байна.
- 4.3 Энэхүү журамд заасан болзол хангасны дагуу 1 жилд 10-аас илүүгүй ажилтанг хүндэт тэмдгээр шагнаж урамшуулна.
- 4.4 Хамтын ажиллагаанд онцгой үүрэг гүйцэтгэсэн гадаадын хамтран ажиллагч байгууллагын ажилтнуудыг тус шагналаар шагнаж болно.

Тав. Шагнал олгох үйл ажиллагаа.

- 5.1 Салбарын хүндэт тэмдгээр шагнуулах санал санаачилгыг ЗӨСҮТ болон харьяа ЗӨСТ төвүүд гаргана.
- 5.2 Салбарын хүндэт тэмдгээр шагнуулахаар тодорхойлсон нэр дэвшигчийн материалыг журмын дагуу бүрдүүлэн албан тоотын хамт ЗӨСҮТ-ийн захиргаанд ирүүлнэ. Материалыг удирдлагын зөвлөлийн хуралд оруулан хэлэлцүүлж шийдвэрлүүлнэ.
- 5.3 Шагналд тодорхойлохдоо нэр дэвшигчийн ажил байдлын тодорхойлолт, шагнуулахыг дэмжсэн хамт олны хурлын тэмдэглэл, анкет (энэхүү журмын хавсралт)-ийг албан бичгээр ЗӨСҮТ-д ирүүлнэ.
- 5.4 Ажил байдлын тодорхойлолтод шагналд нэр дэвшигч эрхэлсэн ажилдаа ямар санаачилга, бүтээл гаргасан, түүнийг хэрэгжүүлснээр зоонозын өвчин судлалын байгууллагыг хөгжүүлэх үйлст ямар ахиц дэвшил гарсныг баримтаар дурдаж, шагналын талаар саналаа бичиж, орон нутаг дахь (салбар), төвийн (дарга) гарын үсэг зурж, тамга дарж баталгаажуулсан байна.
- 5.5 Нийтээр тэмдэглэх баяр Үндэсний их баяр наадам, жилийн эцсийн ажлын үр дүн, Монгол Улсад эрүүл мэндийн байгууллага үүсч хөгжсөний болон Зоонозын салбар үүсэн байгуулгадсаны ойн, тэгш ойн баярыг тохиолдуулан тус тус шагналд тодорхойлсон материалыг тухайн тэмдэглэлт өдрөөс 30

хоногийн өмнө ЗӨСҮТ-д ирүүлсэн байна. Шагналын материалыг хугацаа хожимдуулсан тохиолдолд дараагийн тэмдэглэлт баяр, ойгоор асуудлыг шийдвэрлэх ба энэ журмын 5.4-д заасан материалыг дутуу ирүүлсэн тохиолдолд үндэслэлийг дурдан тодорхойлолт ирүүлсэн байгууллагад материалыг буцаана.

- 5.6 Нийтээр тэмдэглэх баяраас бусад тохиолдолд шагналд тодорхойлсон нэр дэвшигчийг шагнуулах хугацааг ЗӨСҮТ шийдвэрлэнэ.
- 5.7 Шагналыг тухайн ажилтанд ёслол хүндэтгэлтэй гардуулна.

Зургаа. Шагналыг бүртгэх

- 6.1 Шагнагdsan тухай бүртгэлийг шагнал тус бүрээр хөтөлж, баяжилтыг хүний нөөцийн ажилтан тухай бүр хийж, мэдээллийн санг баяжуулна.
- 6.2 Шагнагdsan ажилтны материалыг архивын нэгж үүсгэж оны эцэст төвийн архивт шилжүүлнэ.
- 6.3 Шагнагдаагүй ажилтны материалыг албан бичгийн хамт тухайн орон нутгийн салбарт нь буцаана.
- 6.4 "Хүндэт тэмдэг" үнэмлэх болон "Хүндэт дэвтэр"-т бичигдсэн гэрчилгээг гээгдүүлсэн тохиолдолд нөхөн олгохгүй бөгөөд шагнагdsan тухай тодорхойлолт олгож болно.

Зоонозын өвчин судлалын үндэсний төвийн ерөнхий
захирлын 2021 оны 8 дугаар сарын 25-ны
өдрийн 15 дугаар тушаалын хоёрдугаар хавсралт

ЗООНОЗЫН ӨВЧИН СУДЛАЛЫН ҮНДЭСНИЙ ТӨВИЙН ХҮНДЭТ
ТЭМДЭГЭЭР ШАГНУУЛАХААР ӨРГӨН МЭДҮҮЛСЭН
АЖИЛТНЫ АНКЕТ, ТОДОРХОЙЛОЛТ

1. Овог

2. Нэр:

3. Төрсөн он:

4. Хүйс:

5. Төрсөн аймаг, сум, хот:

6. Одоогийн харьяалал:

7. Нийгмийн байдал:

8. Регистр:

9. Боловсрол:

10. Ажиллаж буй салбар/орон нутаг, нийслэл/:

11. Мэргэжил:

12. Урьд болон одоо ажиллаж байгаа газар:

№	Ажлын газрын нэр	Хугацаа	Эрхэлсэн ажил
1.			
2.			

13. Урьд нь шагнагдаж байсан шагналууд:

№	Шагналын нэр	Хэдэн онд

14. Шагнуулах үндэс:

.....
.....
.....

15. Ямар шагналаар шагнуулах хамт олны санал:

.....
.....
.....

16. Хамт олны саналын хувь:

.....
.....
.....

17. Анкетийг баталгаажуулсан:

ЗӨСТ-ийн дарга

/гарын үсэг /

гарын үсгийн тайлал

Албаны дарга

/гарын үсэг /

гарын үсгийн

тайлал

тайлал

18. Шагнаалд тодорхойлсон огноо: